



Moody's hækkar lánshæfiseinkunn Landsvirkjunar án ríkis-ábyrgðar úr Baa3 í Baa2

Matsfyrirtækið Moody's hefur hækkað lánshæfiseinkunn Landsvirkjunar fyrir óveðtryggðar lánaskuldbindingar án ríkisábyrgðar úr Baa3 í Baa2. Lánshæfiseinkunn Landsvirkjunar með ríkisábyrgð er óbreytt, Baa1. Horfur eru metnar stöðugar.

Samkvæmt ákvörðun Moody's endurspeglar hækkunin að Landsvirkjun hefur sýnt fram á stöðugan rekstur. Þá bendir Moody's á getu Landsvirkjunar til að standast breytingar á hrávörumörkuðum án þess að áhætta fyrirtækisins aukist og þann árangur sem fyrirtækið hefur náð í því að minnka áhættu tengda gengi, vöxtum og álverði. Að lokum bendir Moody's á að eftir að fjárfestingum lýkur á árinu 2018 muni sjóðsmyndun draga verulega úr skuldsetningu fyrirtækisins.

Hörður Arnarson, forstjóri Landsvirkjunar:

„Landsvirkjun hefur markvisst unnið að því að draga úr markaðsáhættu fyrirtækisins sem hefur skilað sér í stöðugum rekstri. Samhliða því hefur verið unnið að lækkun skulda og byggt undir möguleika fyrirtækisins til að auka arðgreiðslur til eiganda síns, íslensku þjóðarinnar.

Landsvirkjun gaf nýlega út, fyrst íslenskra útgefenda, græn skuldabréf án ríkisábyrgðar. Þar sýndi sjöföld eftirspurn fram á að fyrirtækið hefur gott aðgengi að lánsfjármörkuðum. Það er sérstaklega ánægjulegt að Moody's horfi til bættrar rekstrarstöðu Landsvirkjunar og áframhaldandi sterkrar stöðu fyrirtækisins, samhliða frekari lækkun skulda.”

Reykjavík, 23. mars 2018

Nánari upplýsingar veitir Rafnar Lárusson, framkvæmdastjóri fjármálasviðs.
Sími 515 9000, netfang: rafnar.larusson@landsvirkjun.is